

4. gr.

Tekjur sjóðsins eru, auk vaxta, árlegt framlag úr félagssjóði og gjafir og áheit, sem honum kunna að áskotnast. Enn fremur skal sjóðnum aflað tekna með útgáfu og sölu minningarkorta.

5. gr.

Tilgangur sjóðsins er að styrkja fjárhagslega féлага í starfsmannafélaginu í veikindum þeirra og á sama hátt ekkjur og ekkla og börn þeirra.

Úthlutun styrkja fer fram á fæðingardegi Guðjóns Gunnarssonar 21. september ár hvert og skulu umsóknir um styrki sendar sjóðsstjórninni eigi síðar en 10. september.

Ef engin umsókn berst um styrk úr sjóðnum eitthvert ár, eða umsækjendur eru ekki styrkhæfir að dómi sjóðsstjórnar, getur sjóðsstjórnin gert annað tveggja, að leggja úthutunarféð við höfuðstólinn eða geymt það til úthlutunar næsta ár.

6. gr.

Stjórn sjóðsins skal skipuð þrem mönnum og skal kjósa þá árlega á aðalfundi félagsins. Stjórnin skiptir með sér verkum. Stjórnin skal halda gerðabók og rita í hana skipulagsskrá þessa, fundargerðir, ársreikninga sjóðsins, umsóknir um styrki og skrá um úthlutanir úr sjóðnum.

Reikningar sjóðsins skulu endurskoðaðir af endurskoðendum Starfsmannafélags Hafnarfjarðarkaupstaðar og lesnir upp á aðalfundi þess ár hvert.

7. gr.

Allar tekjur sjóðsins skulu lagðar við höfuðstól hans þar til hann er orðinn kr. 20000.00 — tuttugu þúsund krónur —. Eftir það má úthluta úr sjóðnum árlega, sem svarar helmingi tekna hans.

Þegar sjóðurinn er orðinn kr. 100000.00 — eitt hundrað þúsund krónur — skal endurskoða reglur um úthlutunarpupphæð og breyta þeim ef ástæður þykja til. Skulu hinar nýju reglur samþykktar af stjórn starfsmannafélagsins og meiri hluta félagsmanna á aðalfundi.

8. gr.

Leita skal staðfestingar forseta Íslands á skipulagsskrá þessari.

S A M Þ Y K K T**um stjórn bæjarmálefna Akraneskaupstaðar.****I. KAFLI****Um skipan bæjarstjórnar og verkefni hennar.**

1. gr.

Bæjarstjórn Akraness er skipuð 9 bæjarfulltrúum, kjörnum skv. lögum nr. 58/1961.

2. gr.

Bæjarstjórn Akraness er almennt í fyrirsvari fyrir bæinn og skal engu máli, er hann varðar, til lykta ráðið án umsagnar bæjarstjórnar.

Bæjarstjórninni ber að gæta hagsmuna bæjarins í hvívetna og annast þau við-

fangsefni, er henni eru fengin í lögum og reglugerðum, svo og málefni, sem henni eru fengin í samþykktum, sem hún hefur sett eða á henni kunna að hvíla að öðru leyti.

Meginverkefni hennar eru þessi:

- A. Bæjarstjórn fer með yfirstjórn á fjárreiðum bæjarins.
1. Árlega ber bæjarstjórn að gera áætlun um tekjur og gjöld bæjarins fyrir hvert reikningsár (almanaksár). Í fjárhagsáætlun skal greina í meginatriðum, hvernig fjárveitingu til einstakra stofanna og framkvæmda skuli hagað, sbr. B.-lið, enn fremur skal þar greina hvernig áætlaðar tekjur skiptast.
 2. Bæjarstjórn hefur yfirumsjón með fjárstjórn bæjarins, með því að tekjur séu innheimtar og greiðslur inntar af hendi í samræmi við það, sem ákveðið er í fjárhagsáætlun. Eigi má greiða fé úr bæjarsjóði, nema heimild sé til þess í fjárhagsáætlun bæjarins eða annarri ákvörðun bæjarstjórnar.
 3. Bæjarstjórn hefur yfirumsjón með því, að eignir bæjarins séu tryggilega varðveittar.
 4. Bæjarstjórn skal hafa tekið ársreikninga bæjarins til meðferðar eigi síðar en í júlímánuði ár hvert.
 5. Bæjarstjórn kveður á um lántökur og ábyrgðir kaupstaðarins, þó er bæjarstjóra heimilt að taka stutt rekstrarlán, án sérstakrar samþykktar bæjarstjórnar.
- B. Bæjarstjórn hefur yfirumsjón verklegra framkvæmda bæjarins. Í fjárhagsáætlun kveður hún á um, hvernig verklegum framkvæmdum skuli hagað í meginatriðum á fjárhagsárinu. Hún getur og gert heildaráætlanir um framkvæmd tiltekinna verkefna, er taki lengri tíma, svo og um einstök verk, eftir því sem ástæða þykir til.
- C. Bæjarstjórn kýs bæjarstjóra, bæjarráð og aðrar nefndir eftir því sem segir í samþykkt þessari eða öðrum reglugerðum, svo og endurskoðendur reikninga kaupstaðarins. Enn fremur skipar hún ásamt bæjarráði fasta starfsmenn bæjarins og setur þeim erindisbréf, sbr. 63. gr.
- D. Bæjarstjórn setur reglugerðir um stjórn bæjarmálefna og reglur um meðferð tiltekinna málefna bæjarins, ákveður gjaldskrá bæjarfyrirtækja eftir því, sem þörf krefur o. s. frv.

II. KAFLI

Fundarsköp bæjarstjórnar.

3. gr.

Á fundi bæjarstjórnar í júnímánuði ár hvert kýs bæjarstjórn sér forseta, svo og 1. og 2. varaforseta úr hópi bæjarfulltrúa til eins árs í senn.

Sá er rétt kjörinn forseti, er hlotið hefur atkvæði meira en helmingis bæjarfulltrúa.

Verði þeim atkvæðafjölda ekki náð, skal kjósa að nýju, og skal þá kjósa um þá tvo, sem flest fengu atkvæðin. Ef þrír eða fleiri, sem um skyldi kjósa, hafa fengið jafnmörg atkvæði, skal varpa hlutkesti um, hverja tvo skuli kjósa.

Verður sá rétt kjörinn, sem fleiri atkvæði fær, þó að hann fái ekki helming atkvæða. Verði atkvæði jöfn, ræður hlutkesti

Aldursforseti gegnir forsetastörfum, unz kosinn hefur verið forseti. Ef enginn forseti er viðstaddur á fundi bæjarstjórnar, gegnir aldursforseti forsetastörfum, nema bæjarstjórn ákveði að kjósa sérstakan fundarstjóra í það skiptið.

Ef forseti deyr eða verður varanlega forfallaður frá störfum í bæjarstjórn, áður en kjörtími hans er á enda, skal kjósa forseta í hans stað fyrir þann tíma, sem eftir er kjörtímabilsins.

4. gr.

Forseti bæjarstjórnar stjórnar umræðum á fundum hennar, hann sér um, að fundargerðir séu skipulega færðar í gerðabók, og allar ályktanir séu rétt og nákvæmlega bókaðar.

Forseti sér um, að allt fari löglega og skipulega fram á fundum bæjarstjórnar. Hann úrskurðar um skilning á fundarsköpum, skv. samþykkt þessari, en skjóta má úrskurði hans til úrlausnar bæjarstjórnar.

5. gr.

Bæjarstjórn kýs tvo skrifara og tvo varaskrifara úr hópi bæjarfulltrúa til eins árs í senn á sama fundi og forsetakosning fer fram. Skrifarar skulu kosnir hlutfallskosningu. Skrifarar skulu telja saman atkvæði, þá er atkvæðagreiðslur fara fram.

6. gr.

Bæjarstjórn ræður sérstakan fundarrita utan bæjarstjórnar, sem sér um færslu gerðabóka, og hafa skrifarar í samráði við forseta eftirlit með því, að rétt sé fært til bókar.

Bæjarstjórn ákveður þóknun til fundarritara.

Í gerðabók skal þess geta hvar og hvenær fundur sé haldinn, hverjir sitji fundinn og hver sé fundarritari. Auk þess skal færa í gerðabókina tillögur og úrslit mála.

Í fundarlok skal lesa upp gerðabók, og skulu allir viðstaddir bæjarfulltrúar undirrita hana. Hver fulltrúi, sem eigi er samróma hinum, á rétt á því, að ágreiningsálit hans verði ritað með fáum orðum í gerðabókina.

7. gr.

Bæjarstjórn heldur að jafnaði fund þriðja föstudag hvers mánaðar, og skal fundur hefjast kl. 16.00, nema bæjarráð ákveði annað. Heimilt er bæjarstjórn, að fengnu samþykki bæjarráðs, að fella niður fundi í júlí eða ágúst. Aukafundi skal halda skv. ákvörðun bæjarstjórnar eða ef þrjár bæjarfulltrúar hið fæsta krefjast þess.

8. gr.

Bæjarstjóri semur dagskrá bæjarstjórnarfunda.

Á dagskrá skal taka:

1. Fundargerðir bæjarráðs og annarra nefnda, sem þurfa kunna staðfestingar bæjarstjórnar á ályktunum sínum.
2. Hvert það mál, sem fellur undir verksvið bæjarstjórnar, skv. 2. gr. og sbr. 10. gr. laga nr. 58/1961, enda sé þess óskað af bæjarstjóra, bæjarráði, lögmælti nefnd eða bæjarfulltrúa, að málið sé á dagskrá tekið.
3. Kosningar nefnda og starfsmanna, svo og hvert það málefni annað, sem bæjarstjórn á um að fjalla að lögum.

Sá, sem óskar að fá mál tekið á dagskrá bæjarstjórnar, eða flytja tillögu, skal tilkynna það bæjarstjóra skriflega eigi síðar en á þriðjudegi næstan fyrir fund.

Bæjarstjóri skal í síðasta lagi kl. 19.00, tveimur dögum fyrir fund, hafa sent öllum bæjarfulltrúum og varafulltrúum dagskrá næsta bæjarstjórnarfundar. Í dagskrá skal tilkynna fundarstað og tíma, þær fundargerðir, sem fyrir fundi liggja, tillögur sem fram hafa komið, og gera í stuttu máli grein fyrir þeim málum öðrum, sem um skal fjalla. Fylgja skulu eftirrit fundargerða, tillagna, svo og annarra gagna, sem geta til upplýsinga orðið um málefni á dagskrá, eftir því sem bæjarstjóri telur

nauðsynlegt. Ef ákveðinn verður aukafundur skv. 2. mgr. 7. gr., skal að jafnaði til hans boðað með dagskrá, er send verði bæjarfulltrúunum með 24 stunda fyrirvara.

Mál skulu afgreidd í þeirri röð, sem á dagskrá segir, nema bæjarstjórn ákveði að önnur röð skuli höfð.

Heimilt er að taka mál á dagskrá, þótt ekki sé þess getið í fundarboði, enda samþykki $\frac{2}{3}$ viðstaddra bæjarfulltrúa þau afbrigði.

9. gr.

Auglýsa skal venjulega fundi bæjarstjórnarinnar með a. m. k. 12 stunda fyrirvara á sama hátt og venja er til að birta opinberar tilkynningar á Akranesi. Greina skal í fundarlýsingu efni dagskrár í höfuðdráttum.

10. gr.

Bæjarstjórnarfundi skal halda í heyranda hljóði. Bæjarstjórn getur þó ákveðið að ræða einstök mál fyrir luktum dyrum, t. d. einkamál manna eða mál, sem æskilegt er vegna hagsmuna þegarins, að rædd séu fyrir luktum dyrum.

Ef tillaga kemur fram um það, að mál skuli rætt fyrir luktum dyrum, skal úr því skorið án umræðna.

Óheimilt er að skýra frá því, sem fram kemur við umræður fyrir luktum dyrum. Ef áheyrandi á bæjarstjórnarfundi raskar fundarfriði, getur forseti látið vísa honum út.

11. gr.

Bæjarstjórn getur enga ályktun gert, nema meira en helmingur bæjarfulltrúa sé viðtaddur á fundi. Afl atkvæða ræður úrslitum mála. Bæjarstjóri og hver bæjarfulltrúi getur borið fram breytingartillögu, viðaukatillögu eða frávisunartillögu við hvert það mál, sem til umræðu er, og bæjarstjórn á úrskurðarvald um. Skulu slíkar tillögur vera skriflegar. En veita skal forseti ráðrúm til þess að semja tillögu á fundi, ef þörf krefur.

Ef jafnmörg atkvæði eru með máli og móti, fellur það, nema við kosningar, þá ræður hlutkesti.

Mál má afgreiða með því að samþykkja það eða fella, vísa því frá með einfaldri eða rökstuddri dagskrá, vísa því til afgreiðslu bæjarstjóra eða nefndar og með því að fresta því. Forseti sker úr því, hvernig atkvæðigreiðslu um tillögu skal hagað.

12. gr.

Bæjarstjórn afgreiðir mál við eina umræðu nema fjárhagsáætlun þegarins, ársreikninga og reglugerðir, sem hljóta skulu staðfestingu ráðherra. Um þessi mál fara fram tvær umræður og líði ein vika hið skemmsta milli umræðna.

13. gr.

Atkvæðagreiðsla fer þannig fram, að bæjarfulltrúi réttir upp hægri hönd. Nafnakall skal hafa, ef forseti ákveður, bæjarfulltrúi eða bæjarstjóri óskar. Við nafnakall greiða bæjarfulltrúar atkvæði eftir skrá um bæjarfulltrúa í stafrófsröð.

Nöfnum bæjarfulltrúa skal bæta á skrána, í réttri röð í stað nafna þeirra, sem fjarverandi eru. Hlutkesti ræður á hverjum byrja skal. Við nafnakall er bæjarfulltrúa skylt að greiða atkvæði, nema hann færi rök fyrir undanfærslu sinni, er forseti telur gilda. Ef bæjarfulltrúi vill ekki una úrskurði forseta, má hann skjóta úrskurðinum til bæjarstjórnar, sem sker úr án umræðna.

14. gr.

Hver bæjarfulltrúi, sem vill taka til máls, skal óska heimildar forseta. Að jafnaði skulu menn taka til máls í þeirri röð, sem þeir hafa kvatt sér hljóðs. Heimilt

er að víkja frá þessu, ef um er að ræða bæjarstjóra eða framsögumann aðaltillögu svo og bæjarfulltrúa, sem gera vill stutta athugasemd eða leiðréttu ummæli um sjálfan hann. Ef tveir eða fleiri kveða sér samtímis hljóðs, ákveður forseti í hvaða röð þeir tala. Bæjarfulltrúi skal standa við sæti sitt, meðan hann talar, nema forseti ákveði annað.

Bæjarstjórn getur heimilað, að maður utan bæjarstjórnar geti talað á bæjarstjórnarfundi, en skylt skal honum þá að gæta í hvívetna fundarskapa.

15. gr.

Framsögumaður aðaltillögu má tala þrisvar við hverja umræðu máls, en aðrir bæjarfulltrúar tvisvar. Bæjarfulltrúa er þó heimilt að taka oftár til máls til að bera af sér ámæli eða gera stutta athugasemd um fundarsköp. Ef bæjarfulltrúi vill beina fyrirspurn til bæjarstjóra um málefni, sem ekki er á dagskrá, skal hann hafa hana skriflega og afhenda með sama fyrirvara og um tillögu sé að ræða, þó er forseta heimilt að leyfa, að fyrirspurn sé borin fram á fundi, enda samþykki bæjarstjóri afbrigðin.

16. gr.

Bæjarfulltrúi skal beina máli sínu til forseta. Ef bæjarfulltrúi tekur til máls við afgreiðslu á fundargjörð nefndar, skal hann í upphafi taka fram, hvaða lið eða liði fundargerðar hann óskar að ræða, og má ekki ræða nema eitt mál í einu.

Ekki má lesa upp prentað mál, nema forseti leyfi.

17. gr.

Ef forseti telur umræður dragast úr hófi fram, getur hann lagt til, að ræðutími hvers bæjarfulltrúa megi ekki fara fram úr ákveðinni tímallengd eða umræðum sé hætt.

Þá getur forseti, hvenær sem er lagt til, að umræðum verði lokið á ákveðnum tíma. Ekki má þó takmarka umræðu svo, að hún standi skemur um dagskrármál en tvo tíma, meðan nokkur bæjarfulltrúi kveður sér hljóðs. Bæjarstjórn afgreiðir tillögur forseta, skv. 1. og 2. mgr. umræðulaust. Tveir bæjarfulltrúar hið fæsta geta einnig borið fram líkar tillögur, og skulu þær einnig afgreiddar umræðulaust.

Ákvæði um takmörkun ræðutíma eiga ekki við, þegar fjallað er um frumvarp að fjárhagsáætlun.

18. gr.

Skylt er bæjarfulltrúa að lúta valdi forseta í hvívetna, er að því lýtur, að gætt sé góðrar reglu. Ef bæjarfulltrúi ber aðra menn brigzlum, eða víkur verulega frá umræðuefninu, skal forseti víta hann og nefna þau ummæli, er hann vitir.

Ef bæjarfulltrúi er víttur tvisvar á sama fundi, getur forseti lagt til við bæjarstjórn, að hann verði sviptur málfrelsi á þeim fundi. Skal sú tillaga afgreidd umræðulaust.

Ef bæjarfulltrúi hlýðnast ekki úrskurði bæjarstjórnar eða almenn óregla kemur upp á fundi, skal forseti gera hlé um stundarsakir, eða ef nauðsyn krefur, slíta fundi.

19. gr.

Eftir hvern bæjarstjórnarfund skal öllum bæjarfulltrúum sent eftirrit af fundargerð ásamt fylgiskjölum hennar.

III. KAFLI

Réttindi og skyldur bæjarfulltrúa.

20. gr.

Hverjum bæjarfulltrúa er skylt að sækja fundi bæjarstjórnar, nema lögmæt forföll hamli. Honum er skylt að taka að sér þau störf, sem bæjarstjórn felur honum,

t. d. forsetastörf, setu í bæjarráði og öðrum nefndum, skrifstofustörf o. s. frv. Sá, sem verið hefur forseti bæjarstjórnar, setið í bæjarráði eða fastanefnd, getur þó skorazt undan kosningu jafnlangan tíma og hann hefur haft starfið á hendi.

21. gr.

Bæjarfulltrúum er heimilt að kynna sér skjöl kaupstaðarins.

22. gr.

Hver bæjarfulltrúi á rétt á þóknun fyrir störf sín í bæjarstjórn og nefndum bæjarstjórnar. Bæjarstjórn ákveður á fundi, þegar fjárhagsáætlun er afgreidd, hver þóknunin skuli vera á næsta reikningsári fyrir störf í bæjarstjórn og nefndum kaupstaðarins.

23. gr.

Ef bæjarfulltrúi, kosinn í nefnd eða til annarra starfa, forfallast um stundarsakir vegna veikinda eða af öðrum ástæðum, á hann rétt á að tilnefna mann af sama lista og hann er kjörinn, til að taka sæti hans á meðan, enda hafi varafulltrúi ekki verið kosinn. Hafi hann engan tilnefnt, fer um varamenn skv. 2. og 3. mgr. 20. gr. sveitarstjórnarlaga.

24. gr.

Bæjarstjórn getur veitt bæjarfulltrúa, sem óskar þess, lausn frá bæjarfulltrúa-starfi.

IV. KAFLI

Um kosningar, skipan og starfssvið bæjarráðs og annarra nefnda.

25. gr.

Bæjarstjórn kýs eftirtaldir nefndir og starfsmenn auk þeirra, sem áður er getið, til þess að fara með tiltekin málefni eftir því sem lög mæla fyrir eða sérstakar samþykktir.

A. Til eins árs á fundi sínum í júnímánuði:

1. Þrjú bæjarfulltrúa og þrjú til vara í bæjarráð.
2. Fjóra menn í byggingarnefnd og fjóra til vara.
3. Fimm menn í hafnarnefnd og þrjú til vara.
4. 3 vélbátaformenn til eftirlits með róðrartíma skv. reglugerð nr. 20/1953 og þrjú til vara.
5. Þrjú menn í yfirkjörstjórn skv. lögum nr. 50/1959, sem jafnframt sé yfirkjörstjórn við bæjarstjórnarkosningar.
6. Þrjú menn í hverja undirkjörstjórn og þrjú menn til vara.
7. Tvo endurskoðendur bæjarreikninga og tvo til vara.
8. Tvo endurskoðendur reikninga Sparisjóðs Akraness.

B. Til eins árs á fundi sínum í febrúarmánuði:

1. Fimm menn í þjóðhátíðarnefnd.
2. Fimm menn í framtalsnefnd og fimm til vara.

C. Til fjögurra ára á fyrsta fundi nýkjörinnar bæjarstjórnar:

1. Fimm menn í stjórn Sparisjóðs Akraness.
2. Fjóra menn í stjórn Sjúkrahúss Akraness og fjóra til vara.
3. Fjóra menn í stjórn Sjúkrasamlags Akraness og fjóra til vara.
4. Fimm menn í fræðsluráð og fimm til vara.
5. Fimm menn í barnaverndarnefnd og fimm til vara.
6. Þrjú menn í stjórn Rafveitu Akraness og þrjú til vara.
7. Fjóra menn í brunamálanefnd og fjóra til vara.

8. Fimm menn í menningarráð.
 9. Einn mann í heilbrigðis- og sóttvarnarnefnd og einn til vara.
 10. Þrjú menn í æskulýðsráð og þrjú til vara.
 11. Þrjú menn í vinnuskólanefnd og þrjú til vara.
 12. Fimm menn í stjórn byggðasafnsins.
 13. Þrjú menn í umferðarnefnd og þrjú til vara.
 14. Tvo menn í náttúruverndarráð og tvo til vara.
 15. Fjóra menn í bókasafnsstjórn og fjóra til vara.
 16. Þrjú menn í stjórn námsflokka Akraness og þrjú til vara.
 17. Tvo menn í skólanefnd Iðnskóla Akraness og tvo til vara.
 18. Tvo menn í stjórn Minningarsjóðs Bjarna Ólafssonar.
 19. Einn mann í stjórn Eftirlaunasjóðs Akraness og einn til vara.
 20. Þrjú menn í íþróttanefnd og þrjú til vara.
 21. Tvo menn í sundlaugarnefnd og tvo til vara.
 22. Sex menn í áfengisvarnarnefnd og sex til vara.
 23. Einn mann í fasteignamatsnefnd og einn til vara.
 24. Einn mann í fulltrúaráð Brunabótafélags Íslands og einn til vara.
 25. Tvo endurskoðendur styrktarsjóðs Ingibjargar og Ólafs Finsen.
 26. Tólf menn í sjó- og verzlunardóm.
 27. Einn forðagæzlumann.
 28. Einn mann í stjórn sjómannaheimilis.
 29. Þrjú menn á landsþing Sambands ísl. sveitarfélaga og þrjú til vara.
 30. Tvo sáttamenn og tvo til vara.
 31. Fimm menn í stjórn vetrarhjálpur og fimm til vara.
- D. Til 4 ára á febrúarfundi árið sem aðalfund skal halda í félaginu Andakílsár-
virkjun:
1. Þrjú menn í stjórn Andakílsárvirkjunarinnar og þrjú til vara.
 2. Einn endurskoðanda reikninga Andakílsárvirkjunarinnar og einn til vara.

26. gr.

Á fundi bæjarstjórnar í júnímánuði ár hvert skulu kosnir hlutfallskosningu þrjár bæjarfulltrúar í bæjarráð og jafnmargir til vara. Kosning bæjarráðs gildir, unz nýtt bæjarráð hefur verið kosið. Bæjarráð kýs sér formann og má kjósa bæjarstjóra, þótt ekki sé hann kosinn í ráðið.

Bæjarráð skal halda fundi að jafnaði einu sinni í viku. Aukafund skal halda, ef bæjarstjóri ákveður eða tveir bæjarráðsmenn hið fæsta óska þess skriflega. Bæjarstjóri undirbýr dagskrá bæjarráðsfunda.

Heimilt er að taka mál til meðferðar í bæjarráði, þótt ekki sé tilgreint í dag-skrá, en skylt er þá að fresta afgreiðslu þess til næsta fundar ef þess verður óskað. Formaður sér um, að allt fari löglega og skipulega fram á fundum, og úrskurðar ágreiningsmál, sem rísa kunna út af fundarsköpum. Þeim úrskurði má skjóta til úrlausnar bæjarráðs. Heimilt er bæjarráði að ráða fundarritara utan bæjarráðs. Í gerðabók skal greint frá því, hvar fundur sé haldinn og hverjir sitji fundinn og hver sé fundarritari. Þá skal greint frá framlögðum skjölum og efni þeirra í stuttu máli, svo og hverja afgreiðslu þau fá. Um fundarsköp bæjarráðs fer eftir sömu reglum og gilda um bæjarstjórn eftir því, sem þau geta átt við.

27. gr.

Bæjarráð fer ásamt bæjarstjóra með framkvæmdastjórn málefna Akraneskaup-
staðar að því leyti, sem hún er ekki öðrum fengin skv. lögum, reglugerðum eða sér-
stökum samþykktum bæjarstjórnar. Bæjarráð tekur að jafnaði fullnaðarákvörðun
um þau mál, sem til þess koma, nema um fjárhagsatriði sé að ræða eða málefni,

þar sem ákvörðun bæjarstjórnar er sérstaklega áskilin að lögum eða samkv. eðli máls. Ekki getur þó bæjarráð tekið fullnaðarákvörðun um mál, ef bæjarráðsmaður eða bæjarstjóri óskar að bæjarstjórn taki fullnaðarákvörðun um það.

28. gr.

Bæjarráð hefur eftirlit með fjárstjórn bæjarins, sbr. 47. gr. laga nr. 58/1961. Það undirbýr árlega fjárhagsáætlun bæjarins og sér um, að reikningar hans séu samdir. Bæjarráð ákveður, hvernig varið skulu fé því, sem ætlað er til verklegra framkvæmda, að því leyti, sem slíkt er ekki fram tekið í fjárhagsáætlun.

29. gr.

Skýlt er starfsmönnum bæjarins að sitja fundi bæjarráðs, þegar til umræðu eru málefni, sem störf þeirra snerta og bæjarstjóri eða bæjarráð óskar.

30. gr.

Um skipan nefnda, valdsvið þeirra og verkvið, fer eftir því, sem ákveðið er í lögum eða samþykktum bæjarstjórnar. Þar sem ekki er um slíkar reglur að ræða, getur bæjarstjórn sett þær. Ekki má framselja slíkri nefnd vald, sem bæjarstjórn er fengið að lögum. Þegar kjörtími nefndar er óákveðinn, skal litið svo á, að umboð nefndarmanna falli niður, þegar kjörtími bæjarstjórnar er á enda.

31. gr.

Allar fastar nefndir bæjarstjórnar skulu færa gerðabækur um störf sín og skulu gerðir fastanefnda, svo og nefnda, sem bæjarstjórn setur í einstök mál, lagðar fyrir bæjarstjórn til meðferðar og endanlegrar samþykktar eða synjunar.

32. gr.

Bygginganefnd skipa fjórir menn og fjórir til vara, auk bæjarstjóra, sem er sjálfkjörinn formaður nefndarinnar. Tveir hinna kjörnu nefndarmanna skulu vera bæjarfulltrúar, en tveir utan bæjarstjórnar. Varamenn skulu kjörnir jafnmargir á sama hátt. Byggingarfulltrúa er skýlt að sitja fundi byggingarnefndar. Byggingarnefnd annast byggingarmálefni bæjarins samkvæmt fyrirmælum í lögum og samþykktum um þau mál.

33. gr.

Hafnarnefnd skipa fimm menn og þrjár til vara. Hafnarnefnd annast stjórn og framkvæmdir hafnarmála, þar á meðal eftirlit með höfninni, samkvæmt reglugerð hafnarinnar og lögum um hafnargerðir og lendingarbætur.

34. gr.

Framfærslunefnd skipa fimm menn og jafnmargir til vara. Hún hefur á hendi stjórn framfærslumála og um störf nefndarinnar fer að framfærslulögum. Formanni barnaverndarnefndar er heimilt að sitja fundi framfærslunefndar og bera fram tillögur, er sérstaklega varða börn skv. lögum um barnavernd.

35. gr.

Stjórn Sparisjóðs Akraness er skipuð fimm mönnum. Hún sér um rekstur Sparisjóðsins samkvæmt reglugerð Sparisjóðsins og lögum um sparisjóði.

36. gr.

Í stjórn Sjúkrahúss Akraness kys bæjarstjórn fjóra menn og jafnmarga til vara. Bæjarstjóri er sjálfkjörinn formaður stjórnarinnar. Sjúkrahússtjórnin hefur á hendi stjórn Sjúkrahússins og sér um rekstur þess eftir þar um settum reglum.

37. gr.

Í stjórn Sjúkrasamlags Akraness kýs bæjarstjórn fjóra menn og jafnmarga til vara, en formaður er skipaður af ráðherra. Sjúkrasamlagsstjórn hefur með höndum þau mál, er sjúkrasamlagið varða lögum samkvæmt.

38. gr.

Fræðsluráð er skipað fimm mönnum og fimm til vara. Fræðsluráð kýs sér formann og ritara úr hópi fræðsluráðsmanna. Fræðsluráð hefur umsjón og eftirlit með fræðslumálum bæjarins samkvæmt lögum þar um. Fræðsluráð hefur á hendi skólanefndarstörf fyrir barnaskóla og skóla gagnfræðastigsins.

39. gr.

Barnaverndarnefnd er skipuð fimm mönnum og tveim til vara. Hún kýs sér formann og ritara úr hópi nefndarmanna. Nefndin hefur á hendi eftirlit með uppeldi barna innan 16 ára aldurs og vanþroska og veikra unglinga, sbr. lög um vernd barna og ungmenna.

40. gr.

Stjórn Rafveitu Akraness er skipuð þremur mönnum og þremur til vara. Rafveitustjóra er skylt að sitja fundi hennar. Hann hefur þar málfrelsi og tillögurétt, en ekki á hann þar atkvæðisrétt, nema hann sé kosinn í stjórnina. Rafveitustjórn hefur á hendi stjórn rafveitumála Akraness, skv. reglugerð.

41. gr.

Brunamálanefnd skipa bæjarstjóri, sem er formaður hennar, og fjórir menn, kjörnir af bæjarstjórn og jafnmargir til vara. Slökkviliðsstjóri eða í forföllum hans varaslökkviliðsstjóri, skal sitja fundi nefndarinnar og hafa þar málfrelsi og tillögurétt. Nefndin hefur eftirlit með brunamálum kaupstaðarins og slökkviliði og gætir þess, að reglum um brunavarnir sé fylgt.

42. gr.

Menningarráð skipa fimm menn. Það gerir tillögur til bæjarstjórnar um öll þau menningarmál, sem öðrum nefndum eða ráðum er ekki sérstaklega falið í samþykkt þessari. Einkum skal það láta til sína taka fegrun og snyrtingu bæjarins.

43. gr.

Heilbrigðis- og sóttvarnarnefnd er skipuð bæjarfógeta, sem er formaður hennar, héraðslækni og einum manni kosnum af bæjarstjórn. Nefndin starfar skv. lögum og heilbrigðissamþykkt kaupstaðarins.

44. gr.

Æskulýðsráð er skipað fimm mönnum. Einum tilnefndum af bæjarstjóra, einum kjörnum af fræðsluráði og þremur kjörnum af bæjarstjórn Akraness. Æskulýðsráð vinnur að menningarmálum æskulýðsins í samvinnu við skóla, bæjaryfirvöld og æskulýðsfélög. Það skipuleggur tómstundavinnu ungmenna og föndurstarfsemi, gengst fyrir heilbrigðu og þroskandi skemmtanalífi og leitar úrræða til heppilegrar hagnýtingar á starfsgetu unglinga.

45. gr.

Framtalsnefnd skipa fimm menn og jafnmargir til vara. Nefndin starfar skv. lögum og reglugerðum um tekjustofna sveitarfélaga.

46. gr.

Umferðarnefnd skipa þrír menn og jafnmargir til vara. Nefndin skal vera bæjarstjórninni til ráðuneytis um umferðarmál í kaupstaðnum.

47. gr.

Vinnuskólanefnd skipa þrír menn og jafnmargir til vara. Nefndin skal annast rekstur vinnuskóla fyrir unglinga.

48. gr.

Hverja kjörstjórn skipa þrír menn og jafnmargir til vara. Nefndirnar starfa skv. kosningalögum.

49. gr.

Náttúruverndarráð skipa þrír menn. Bæjarstjórn kýs tvo menn og jafnmarga til vara, en bæjarfógeti er sjálfkjörinn formaður ráðsins. Starfssvið ráðsins markast af lögum um náttúruvernd.

50. gr.

Bókasafnsstjórn skipa fimm menn. Bæjarstjórn kýs fjóra menn og jafnmarga til vara, en einn er kjörinn af sýslunefnd Borgarfjarðarsýslu fyrir fjóra syðstu hreppa sýslunnar. Bókasafnsstjórn starfar skv. lögum um almenningsbókasöfn.

51. gr.

Stjórn námsflokka Akraness skipa þrír menn, kjörnir af bæjarstjórn og þrír til vara. Stjórnin skipuleggur og annast rekstur kvöldnámskeiða á Akranesi.

52. gr.

Skólanefnd iðnskóla Akraness skipa þrír menn, þar af tveir iðnlærðir menn og jafnmargir til vara, kosnir af bæjarstjórn, en ráðherra skipar formann. Skólanefnd stjórnar iðnskólanum ásamt skólastjóra, samkvæmt lögum og reglum um iðnskóla.

53. gr.

Íþróttanefnd skipa fimm menn, þrír kjörnir af bæjarstjórn og þrír til vara, en tveir kjörnir af Íþróttabandalagi Akraness. Nefndin fjallar um rekstur íþróttastofnana í eigu kaupstaðarins, annarra en Bjarnalaugar, og er stjórninni til ráðuneytis um íþróttamálefni.

54. gr.

Sundlaugarnefnd skipa fimm menn. Skulu tveir kjörnir af bæjarstjórn, en þrír kjörnir af eftirtöldum aðilum, einn frá hverjum: Skipstjórafélaginu, sjómannafélögunum og stjórn Minningarsjóðs Bjarna Ólafssonar. Varamenn skulu kjörnir á sama hátt. Sundlaugarnefnd gerir tillögur til bæjarstjórnar um ráðningu starfsfólks, viðhald og endurbætur á húseigninni og annað það, sem rekstur laugarinnar varðar.

55. gr.

Áfengisvarnarnefnd skipa sjö menn, þar af kýs bæjarstjórn sex menn og jafnmarga til vara. Ráðherra skipar formann nefndarinnar eftir ábendingu áfengisvarnaráðs. Starfssvið áfengisvarnarnefndar markast af lögum um áfengisvarnir.

V. KAFLI

Um bæjarstjóra.

56. gr.

Bæjarstjórn ræður bæjarstjóra. Ráðningartími skal að jafnaði vera sá sami og kjörtímabil bæjarstjórnar. Heimilt er þó að ráða bæjarstjóra til lengri tíma, en þá er ráðningarsamningur uppsegjanlegur af beggja hálfu með sex mánaða fyrirvara, hvenær sem er eftir að kjörtímabilinu er lokið. Nú næst ekki meiri hluti í bæjarstjórn fyrir ráðningu bæjarstjóra, svo að bæjarstjóri er í andstöðu við meiri hluta bæjarstjórnar, og getur þá ráðherra ákveðið, að bæjarstjórnarkosningar skuli fara fram á ný.

57. gr.

Bæjarstjóri hefur á hendi framkvæmd ákvarðana þeirra, sem bæjarstjórn gerir, og framkvæmd á málefnum bæjarins yfirleitt, að því leyti, sem bæjarstjórn hefur ekki annað ákveðið um tiltekið mál. Skylt er bæjarstjóra að hafa ákveðinn viðtals-tíma og sé hann auglýstur á skrifstofu bæjarins.

58. gr.

Bæjarstjóri á sæti á fundum bæjarstjórnar og bæjarráðs og hefur þar sömu réttindi og skyldur sem bæjarfulltrúar, nema annað sé sérstaklega fram tekið í þessari samþykkt. Ekki hefur hann atkvæðisrétt, nema jafnframt sé hann bæjarfulltrúi. Hann hefur óbundið málfrelsi og tillögurétt á fundum bæjarstjórnar og bæjarráðs.

59. gr.

Nú samþykkir bæjarstjórn ályktun, sem hefur verulegan kostnað í för með sér, sem ekki hefur verið gert ráð fyrir á gildandi fjárhagsáætlun, og getur bæjarstjóri þá fellt slíka ályktun úr gildi um sinn, og skal þessi ákvörðun hans færð í gerðabókina. Um þetta skal hann svo fljótt sem verða má, senda ráðuneytinu skýrslu, og leggur það úrskurð á málið. Bæjarstjóri skal senda bæjarstjórninni eftirrit af skýrslunni, svo að hún geti gert athugasemdir við hana, áður en hún fer til ráðuneytisins. Þá getur bæjarstjóri skotið til fullnaðarákvörðunar bæjarstjórnar ályktunum bæjarráðs, sbr. 27. gr.

60. gr.

Útgjöld, sem ekki eru lögbundin, samningsbundin eða leiðir af fyrri samþykktum bæjarstjórnar, má ekki greiða nema komi til samþykktar bæjarstjórnar. Ekkert gjald má greiða úr bæjarsjóði, nema bæjarstjóri ávísi því til greiðslu eða einhver sá, sem fengið hefur umboð bæjarráðs til slíks.

61. gr.

Í forföllum bæjarstjóra gegnir bæjarritari störfum hans, nema þau séu sérstaklega öðrum falin. Forfallist bæjarstjóri um lengri tíma, skal bæjarráð setja menn til að gegna störfum hans, en þó aldrei lengur en í þrjá mánuði í senn.

VI. KAFLI

Endurskoðendur.

62. gr.

Bæjarstjórn kýs tvo endurskoðendur til eins árs í senn og tvo til vara til að endurskoða reikninga bæjarins og fyrirtækja hans. Bæjarfulltrúar eru ekki kjör-gengir til þessa starfs.

Um framkvæmd endurskoðunar fer eftir ákvæðum D-lið III. kafla laga nr. 58/1961. Lokið skal endurskoðun eigi síðar en 30. júní ár hvert.

Endurskoðendur eiga rétt á þóknun fyrir starf sitt.

VII. KAFLI

Um starfsmenn kaupstaðarins.

63. gr.

Bæjarstjórn og bæjarráð skipa fasta starfsmenn kaupstaðarins og veita þeim laun, eftir því sem nánar segir í samþykkt þessari, nema vald til slíks sé að lögum öðrum aðilum fengið eða á annan veg mælt fyrir í reglugerðum um sérmál tiltekinnna stofnana.

Bæjarstjórn skipar bæjarritara, aðaljaldkera, aðalbókara, byggingarfulltrúa og forstöðumenn bæjarstofnana, en bæjarráð aðra starfsmenn skv. 1. mgr. Fastir starfsmenn teljast þeir einir, er hlotið hafa skipun skv. 1. mgr. og eru jafnframt félagar Eftirlaunasjóðs Akraneskaupstaðar og taka laun skv. launasamþykkt bæjarins eða sérsamningi, sem bæjarstjórn hefur samþykkt.

Áður en skipað er í fast starf, skal að jafnaði auglýsa starfið laust til umsóknar.

Bæjarstjórn getur ákveðið, hver almenn skilyrði skuli gilda um skipun í störf hjá bænum, svo og sérskilyrði, er gilda skulu um ákveðin störf.

Bæjarráð getur kveðið á um starfssvið fastra starfsmanna bæjarins og sett þeim erindisbréf. Skytt er starfsmönnum að hlíta breytingum á starfssviði sínu, enda missi þeir einskis af launum við þá breytingu.

Sá maður, sem hlotið hefur fasta skipun í starf, á rétt á að halda starfinu, meðan hann rækir það þannig, að ekki verði að fundið.

Samþykkt þessi, sem bæjarstjórn Akraneskaupstaðar hefur samið og samþykkt, staðfestist hér með samkvæmt lögum nr. 58 29. marz 1961 til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Jafnframt er úr gildi numin samþykkt um stjórn bæjarmálefna á Akranesi, nr. 17 23. febrúar 1956 og fundarsköp fyrir bæjarstjórn Akraneskaupstaðar, nr. 18 28. febrúar 1956.

Félagsmálaráðuneytið, 14. apríl 1964.

F. h. r.

Hjálmar Vilhjálmsson.

Hallgrímur Dalberg.

AUGLÝSING

um breyting á reglugerð nr. 41 24. marz 1956, um happdrætti dvalarheimilis aldraðra sjómanna.

1. gr.

2. málsgrein 1. gr. reglugerðarinnar orðist svo:

Ágóði happdrættisins skal renna í byggingarsjóð aldraðs fólks. 60% ágóðans skal þó varið til byggingar dvalarheimilis aldraðra sjómanna. Heimilt skal þó stjórn dvalarheimilis aldraðra sjómanna að veita styrk eða lán til annarra dvalarheimila aldraðs fólks.